

EN KOHT PLAHN EN KOMOUR ME MENGEI

Kempoakpahi: Ih men kalepak rehmw peidek ehu me keieu kesempwal nan moaur. Ahmw insenamwahu de ahmw insensuwed poatoapoat pahn pwilsang ni peidek wet. Iet peideko: **Ke koamoauralahr?** Peidek wet sohte pid iawen ahmw mwahu, de ma ke iang towe mwomwohdiso ehu, ahpw ke koamoauralahr? **Ke ese me ke pahn kohla Nanleng ma ke mehla?**

Koht mahsani ma emen en kak kohla Nanleng, ah en ipw sapahl. Nan John 3:7, Jises mahsani ong Nicodemus, **“Kowe en ipw sapahl.”**

Nan Bible Koht ketkihoang kitail plahn en atail en ipw sapahl, met wehwehki koamoaurala. Sapwelime plahn me mengei. **Ke kak koamoaurala rahn wet. Iaduwe?**

Keieu, kempoakpahi, ke uhdahn konehng ese me kowe me dipan emen. **“Pwe karos wiadahr dihp, oh sohte kak koanoahdi lingan en Koht”** (Rom 3:23).

Pwehki kowe me dipan emen, ke pakadeikadahr ong mehla. **“Pwe Pwain (pweipwei) en dihp iei mehla”** (Rom 6:23). Met pil wehwehki tohrohrala soutuk sang Koht oahng nan Hell. **“. . . a kileldiehr ong aramas akan en mehla pahn mehpa, a mwuri kadeiko”** (Ipru 9:27).

Ahpw en Koht limpok ong uhk me laud ihme E ketkihdohki sapwelime Iehros, Jises en alehda oh kammatkihla dipoamw kan. **“. . . me kotin kapwokonki oahng me soh dipe, dipatail, pwe kitail en pwungkihla pah rehn Koht”** (2 Korint 5:21).

Jises konehng en kakerehdi intah oh kammatala. **“Pwe mour en waren uduk mih nan inta”** (Lev.17:11). **“. . . ma sohte kakeredi en inta, nan sohte dihp kak lapwada [kohsang]”** (Ipru 9:22).

“Pwe Koht kotin kasansalehda Ah limpoak ong kitail, ni en Kraiss ah matkin kitail lahr ni ansoun atail dipan” (Rom 5:8).

Ahpw sang ni atail sohte kak wehwehki duwe, Koht mahsani me dipei kan oh dipomw kan pwildioangehr pohn Jises oh E matkin kitail lahr. Ihme wiahlahr wilietetail. Met mehlel. Koht sohte kak likamw.

Kempoakpahi, **“ansou wet Koht kotin kehkehlik ong aramas koaros, ren koaluhla wasa koaros”** (Wiewia 17:30). Koaluhla wet iei wiklahn madamadau me pwung ong kupwuren Koht, me aramas koaros me dipan, oh me pil pwung ong dahme Jises ketin wiaieng kitail pohn lohpuwo.

Nan Wiewia 16:30-31, silepen imweteng en Pilipai me idek rehn Paul oh Sailas: **“. . . Maingko, dahme I en wiahda pwehn koamoaurala?”**, O ira mahsanih: **“Pwoson Kaun Jises Kraiss, ah kowe pahn koamoaurala . . .”**

Ihte pwoson me Kraiss ketin pwukoahkihdier dipoamw kan, oh kammat kin uhkalahr oh seridier, oh iei Ih me Koht kotin kaiesadahr. Manaman en Ah iasada kamanalahr me aramas emen me pwoson pahn kak en ale moaur soutuk ni e kasamwohier Jises en wiahla ah Soundoar.

“Koaros me kasamwo Ih, Ah ketkihoang ihr manaman en wiahla seri en Koht, ihr me pwoson mware” (John 1:12).

“Pwe emen emen me likwer ohng mwaren Kauno pahn koamoaurala” (Rom 10:13).

“Emen emen”, kowe pil iang. “Pahn koamoaurala” wehwehki kaidehn mwein de kak, ahpw udahn pahn koamoaurala.

Ni mehlel, ke esehier me kowe me dipan emen? Ansou wet, wasa me ke mihie . . . koluhla, mweidoahng mongiongoamw Koht oh kapakap.

Nan Luke 18:13, iet kapakap en me dipan emen: **“Maing Koht komw kotin kupwureie me dipan men.”** Wia kapakap wet:

“Maing Koht, I ese me ngehi me dipan men. I kamehlele me Jises iei wilietpei ni Ah kammatala pohn lopwu. I kamehlele sapwelime intah. Ah kammatala, seridi, oh iasada oahng ie. Met I alehier Ih en wiahla ahi Soaunkoamoaur. I kaping kalahngan oahng koamwi pwehki mahk pen dipei kan, kisakis en koamoaur oh moaur soutuk pwehki oamwi mahk oh kalahngan. Amen.”

Kamehlele en Koht Ah mahsan oh ale sapwenlime koamoaur ki pwoson. Kamehlele, oh kowe pahn koamoaurala. Sohte mwomwohdiso, de pwihn, oh sohte doadoahk me kak koamoauruhkala. Tamataman, Koht kelehpw me kak koamoaurala aramas.

Sapwenlimen Koht plahn en koamoaur me mengei, iet: Kowe me dipan emen. Eri ma ke sohte kamehlele me Jises me matkilahr dipoamw kan, kowe pahn kohla nan Hell. A ma ke pahn kamehlele me Jises matala, seridi, oh iasada, kowe pahn ale mahk pen dipoamw kan koaros oh sapwenlime kisakis en moaur soutuk ki pwoson.

Ke inda, **“Ni mehlele e sohte pahn kak en soangen mengei wet.”** Ei, me mengei. E sang nan mahsan en kisin likou kan. Iei en Koht plahn. Koampoakpai, pwoson Jises oh ale Ih ahmw Soundor rahn wet.

Ma sapwenlime plahn sohte wehwe mwahu, pwurehng oh pil pwurehng wadek doaropwe wet. Dehr kihdi lau ke wehwehkihla audepe. Ngenoamw me kesempwal sang sampah pwon.

“Pwe dahme pahn katepe oahng aramas en anekihla sampah pwon ahpw kesehla mour?” (Mark 8:36).

Tehkada mwahu ma ke koamoauralahr. Ma ke luhs sang ngenoamw, ke sohte pahn lel nanleng ah ke pahn luhs sang soahng koaros. Menlau mweidoahng Koht en koamoaur uhkala ansou wet.

Manaman en Koht pahn koamaour uhkala, nekinekid ahmw koamoaur, oh pahn sewese iuk en aneki kalwehdi en mour en Souleng. **“Sohte songosong ehu lel oahng komwail, ihte, me aramas itar ong, pwe Koht me mehlele, me sohte kin mweidong komwail songosong ehu, me komwail sohte itar ong. A ni songosong a pahn ketin kaimwisekala, duwen me pahn kak pahmwail”** (I Korint 10:13).

Dehr likih ahmw pepehm akan. Re kin kak wekila. Uhda pohn inou en Koht akan me sohte kin kak wekila. Mwurin ahmw koamoaurala, soahng siluh me ke koanehng wia rahn koaros pwe ken kak kekeirada nan ahmw moaur en ngehn:

1. Kapakap--ke koasoai oahng Koht.
2. Wadek noaumw Bible--Koht mahsan oahng uhk.
3. Kadehde oamw pwoson--ke koasoia Koht oahng meh teikan.

Kowe pil konehng paptaisala pwehn kasalehda ahmw peikioang Kaun Jises Krai. Iei kadehde pen ahmw koamaour, oh kowe eri iang towehla ehu mwomwohdiso me kamehlele, padahngki, oh momoaurki Mahsan en Koht. **“Kowe en dehr namenengki kadehde en atail Kaun . . .”** (2 Timothy 1:8).

“Mehmen pahn pohnese ie mohn aramas, nahn I me I pahn pohnese mohn Semei, me kotikot nanleng” (Madu 10:32).

Ford Porter

POH 165